

**Qaffasinnerusumik ilinniarnertit ungasissumiit ilinniartitsinikkut  
ingerlanneqarsinnaanerit Savalimmiuni, Islandimi Kalaallit Nunaannilu  
Naalackersuisut nunani pingasuni tigussaasumik suleqatigiiffimmik  
pilersitsisoqarsinnaanera pillugu misissuisoqarnissaa Nunat Avannarliit Killiit  
Siunnersuisoqatigiiffiata kammattuutigaa.**

(Aallartitat Siulittaasuut Pipaluk Lynge-Rasmussen)

### **Akissuteqaat**

(Ilinniartitaanermut, Kultureqarnermut, Timersornermut Ilageeqarnermullu Naalackersuisoq)

### **Siullermeerneqarnera**

Naalackersuisut sinnerlugit Nunat Avannarliit Killiit Siunnersueqatigiiffiata kaammattuutaat nr. 2/2021 Inatsisartut akuersaarmassuk, alimasissumiit ilinniartitsinikkut ingerlaqqiffiusumik ilinniarneq pillugu nunat pingasut akornanni aalajangersimasumik suleqatigiinnissamut periararfissaq pillugu nunat avannarliit pingasut naalackersuisuisa misissormassuk, siunnersuummut qutsavigaakka.

Naalackersuisut isumaqarput, nunat akornanni suleqatigiinnermik salliutitsineq ilaatigut assigiissuteqarfigineqartoq.

Nunap qanoq ittuunermini pissusaanik nunap ilaani isorartuuni inukitsuni, najukkami ilinniagaqarnissamut periarfissat killilerneqarneranik pilersitsisunit, nunat taakku pingasut unammillernartoqartitsipput. Taamaattumik alimasissumiit ilinniartitsinerup ilapittuutigisinnaavaa ilinniagaqartut sumiiffinnut ilinniartitsiffiusunut nuunnissaannut taarsiullugu ilinniartitsinerup annertunerusumik alimasissumiit ingerlanneqarsinnaanera. Taamatut nunat pingasuusugut assigiimmik aalisarnermut aamma takornariaqarnermut inuussutissarsiutinut ilinniarnermut tunngatillugu assigiinnik unammilligassaqarpugut, iluaqutaasumik suleqatigiissutigisinnaasatsinnik. Taamatuttaaq Canadami Alaskamilu Inuit naggueqatigiit piumasaqaatinut assigiimmik atugaqarpugut, allanut atatillugu alimasissumiit ilinniartitsineq pillugu suleqatigiinnissamut periarfissat taakkuusut misissorneqartariaqarput.

Alimasissumiit ilinniartitsinerup ingerlaqqiffiusumik ilinniagaqarnermut killilerneqaannanginnissaanik anguniagaqartumik, meeqqat atuarfianut sammisitamik alimasissumiit ilinniartitsineq pillugu annertuumik ilisimatuutut misissuinnermik ineriartortitsinermillu Ilinniartitsinermik Ilisimatusarfimmi ingerlatsisoqarpoq. Alimasissumiit ilinniartitsineq ingerlaqqiffiusumik ilinniarnernuinnaq killiliinani, tamanna periarfissanik pilersitsissaaq, ataqatigiissumilli aaqqissuussamut ilinniartitsinerup ilaanut annertunerusumik siammarneqassaaq. 2021-mi aasakkut eGUX-imi - GUX-itut immikkut aaqqissuussaq qarasaasiakkut ilinniartitsinertalik - soraarummeerlutik naammassisut siulliit 26-t naammassipput 2022-mullu aallartinnissamut qinnuteqartut 73-iupput, tamanna erseqqissaataavoq qarasaasiakkut ilinniarnertit annertuumik ornigineqartut.

Ukiuni kingullerni Ilisimatusarfik aamma Islandimi Akureyri Universiteti alimasissumiit ilinniartitsineq pillugu suleqatigiinnermik ineriartortitsisimapput. Suleqatigiinnerup ineriartortinneqartup taassuma ingerlaqqiffiusumik ilinniarnermut alimasissumiit ilinniartitsineq pillugu nunani avannarlerni killerni suleqatigiinnissamut kajumissuseqartoqareersoq takutippaa.

Naalakkersuisut taamatut oqaaseqarlutik siunnersuut akuerineqassasoq inassutigaat.